



Broj: 16-12-16-1767- ~~11~~ /21
I. Sarajevo, ~~11~~ .05. 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 14.04.2021. godine, na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-1767/21 od 16.04.2021. godine, u otvorenom postupku javne nabavke računarske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku računarske opreme za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-1767/21 od 16.04.2021. godine i ugovor u postupku javne nabavke računarske opreme za potrebe Državne agencije za istrage i zaštitu, dodjeljuje za:

- LOT-1 Desktop računari, monitori, laptop računari i tableti, ponuđaču “ELUR” d.o.o. Kiseljak, ponuda broj 16-12-16-1767-4/21 od 17.03.2021. godine, za ponuđenu cijenu od 112.800,00 KM bez uračunatog PDV-a;
- LOT-2 Prenosni printeri i uništavači dokumenata, ponuđaču “ELUR” d.o.o. Kiseljak, ponuda broj 16-12-16-1767-4/21 od 17.03.2021. godine, za ponuđenu cijenu od 9.936,00 KM bez uračunatog PDV-a.

Član 2.

(1) Ponuđač “ELUR” d.o.o. Kiseljak obavezan je ugovornom organu dostaviti dokaz o ispunjavanju uslova iz tačke 10.1. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema Odluke.

Član 3.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-1767-1/21 od 16.02.2021. godine, pokrenut je postupak javne nabavke računarske opreme za potrebe Agencije, procijenjene vrijednosti 123.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru Programa posebnih namjena „0107130 Unapređenje tehničkih kapaciteta za podršku borbi protiv pranja novca u Bosni i Hercegovini“ (EU IPA National program 2013). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT-1 Desktop računari, monitori, laptop računari i tableti, procijenjene vrijednosti 113.000,00 KM bez uračunatog PDV-a;
- LOT-2 Prenosni printeri i uništavači dokumenata, procijenjene vrijednosti 10.000,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 18.03.2021. godine do 12,00 sati, te da se ponude dostavljaju u zatvorenoj kovrti, Komisija je dana 18.03.2021. godine u 13,00 sati izvršila javno otvaranje ponuda prema datumu i vremenu prijema. Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude i to:

R.b r.	Naziv ponuđača	Ponuđena cijena u KM (bez PDV-a)
1.	„ELUR“ d.o.o. Kiseljak	LOT-1 = 112.800,00 LOT-2 = 9.936,00
2.	„UMA MULLER GROUP“ d.o.o. Sarajevo	LOT-1 = 112.985,00 LOT-2 = 9.980,00
3.	„IMTEC“ d.o.o. Sarajevo	LOT-2 = 10.000,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika, te njihove kvalifikovanosti shodno uslovima navedenim u Tenderskoj dokumentaciji.

U cilju ocjene tehničkih uslova navedenih u Tenderskoj dokumentaciji, Komisija je aktom broj 16-12-16-1767/21 od 19.03.2021. godine od strane Sektora za operativnu podršku (u daljem tekstu: SOP), tražila mišljenje po pitanju ispunjavanja postavljenih tehničkih karakteristika iz Tenderske dokumentacije i tehničkih karakteristika ponudene opreme navedenih ponuđača. Isti su Komisiji dostavili traženo mišljenje sa naznakom da ponuda ponuđača »UMA MULLER GROUP« d.o.o. Sarajevo ispunjava kvalifikacione uslove, dok ponuđač »ELUR« d.o.o. Kiseljak, nije popunio stavku „Priključci“ u ponudi za LOT-1-Tabela 5 za unos podataka od strane ponuđača za Laptop tip B-ukupno 20 komada. Komisija se u skladu sa članom 68. stav (4) tačka f) ZJN obratila ponuđaču »ELUR« d.o.o. Kiseljak, tražila pismeno pojašnjenje, u skladu sa mišljenjem stručnih lica Agencije. Dalje, po mišljenju stručnih lica Agencije, ponuda ponuđača »IMTEC« d.o.o. Sarajevo za LOT 2 nije prihvatljiva, sa obrazloženjem da je u tabeli za unos podataka navedeno da stavka »Veličina komadića/trake« iznosi 2x15mm, a traženo je 1,9x15mm.

Uzimajući u obzir naprijed navedeno, Komisija je nakon uvida u sadržaj dostavljenih ponuda, a cijeneći mišljenje stručnih lica Agencije, utvrdila da ponuđači »UMA MULLER GROUP« d.o.o. Sarajevo (LOT-1 i LOT-2) i »ELUR« d.o.o. Kiseljak (LOT-1 i LOT-2), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije, te da ne podliježu primijeni preferencijalnog tretmana domaćeg. Nadalje, Komisija je ponudu ponuđača »IMTEC« d.o.o. Sarajevo (LOT-2) odbacila kao neprihvatljivu, uvažavajući mišljenje stručnih lica Agencije, a sve u skladu sa članom 68. stav (4) tačka i) ZJN.

Obzirom da je za postupak javne nabavke računarske opreme za potrebe Agencije, Tenderskom dokumentacijom predviđeno provođenje e-aukcije, te da su za LOT-1 i LOT-2 zaprimljene dvije prihvatljive ponude, Komisija je 08.04.2021. godine sačinila Zapisnik o ocjeni prihvatljivosti ponuda za LOT-1 i LOT-2, zakazala e-aukciju za 14.04.2021. godine, u 11,00 sati u trajanju od 15 minuta za LOT-1 i 12,00 sati u trajanju od 15 minuta za LOT-2.

Prema Izvještaju o toku i završetku e-aukcije od 14.04.2021. godine, Komisija je sačinila konačnu rang listu ponuđača koji su učestvovali u postupku e-aukcije za LOT-1 i LOT-2, kako slijedi:

LOT-1

Redni broj	Naziv ponuđača	Vrijednost ponude (bez PDV-a)	Rang
1.	„ELUR“ d.o.o. Kiseljak	112.800,00 KM	1
2.	„UMA MULLER GROUP“ d.o.o. Sarajevo	112.985,00 KM	2

LOT-2

Redni broj	Naziv ponuđača	Vrijednost ponude (bez PDV-a)	Rang
1.	„ELUR“ d.o.o. Kiseljak	9.936,00 KM	1
2.	„UMA MULLER GROUP“ d.o.o. Sarajevo	9.980,00 KM	2

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke računarske opreme za potrebe Agencije dodijeli ponuđaču „ELUR“ d.o.o. Kiseljak za LOT-1 i LOT-2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima x3;
- Sektoru za mat.-fin. poslove;
- a/a.

